

پازار ایرتسی

فی ۱۵ محرم سنه ۱۳۲۹

وفی ۳ کانون نانی سنه ۱۳۲۶

جمعیت علمیہ اسلامیہ نك ناشر افکاریدر

صاحب امتیاز :

فاتح مجیز درسعاملرندن

استانبول مبعوثی

مصطفی عاصم

سر محرر :

فاتح مجیز درسعاملرندن

نوقاد مبعوثی

مصطفی صبری

مدیر مسئول :

مکتب قضاء معاملرندن

کایسلی منیر

مندرجات

دینك اهمیت اقتصادی سی شرف الدین

هوامك حواص اوزرنده کی حقوقی م . صفوت

تمیز بورکلی بر کویلی م . صفوت

بیان الحق غزته سنه مکتوب خلیل الرحمن

اون بش، اون آلتی سنه اول
یا زلش اثر لرمدن

ع . خیری


ادبیات

غزل سعود المولوی

نظم و اشکالم نظم طاهر المولوی

کاشانه بر نظر عمر نصوحی

ابراز حمیت



نسخه سی ۱ غر و شدر

آبونه اجرتی (پوسته اجرتیله برابر در)

ممالك اجنبیه ایچون :

۱۳ ، ۰۰ فرانق

» ۶ ، ۵۰

استانبول وولایات ایچون :

بر سنه لکی ۵۰ غروش

التي آیلنی ۲۵ »

درج اولنیمان اوراق اعاده ایدلمز

قارئلر منه

۱ کثر مقالاتنه آیات کریمه و احادیث نبویه درج ایدلمش بولندی نظر اعتباره آلنه رق رعایتسز لکده بولنلما می رجا اولنور .

در سعادت

محمود بك مطبعه سنده طبع اولنمشدر

دیتی ارککنیکنک نصفی اولدینی حضرت علی (رضی) دن موقوفاً روایت اولمشدر .

انسانک ماهیت اقتصادیه سی اولدینی ایچوندرکه قتیلك عائله نه قاتل (دیت) اعطا ایدر . موت طییعی ایله ترك حیات ده هیج برکیمسه نك منع ومدخلی اولمدینی ایچون بو حال قتله مشابه دکلدر . فقط قاتل قتیلك حیانه اثر جنایتیله ختام ویرمش اولدیفندن صاغ قالدینی تقدیرده اکتساب حال و ثروت ایده جك مقتولك فوت اولسیله ثروتك قاتلن استیفاسی لازمدرکه ایشه (دیت) بودر یعنی بو ضرر اقتصادینك تلافیسیدرکه بونده کی حکمت عظیمه محتاج ایضاح دکلدر .

دیمک که انسان دائماً وجودندن استفاده ایدوب هر نه یه اولورسه اولسون ثروت اکتساب ایتلیدر . چونکه وجودی عین ثروت ایمش . بوندیشه قاتلك هیئت اجتماعیه ده برترضیه ویرمی ایجساب ایدوبور قلب بشری جرحه دار ایدن براسیری ده قید اسارتدن خلاص ایدوب هیئت اجتماعیه آره سنه ادخال ایدوبور . افنا ایتدیکی شخصك یرینه بونی اقامه ایدوبور . نه عالی بر دستور نه یوکسك بر حکمت !؟ فهل من مدکر ؟؟؟ . فقط :

اقد اسمعت لونا دیت حیا

ولکن لاحیة لمن تنادی

۲۸۱ کانون اول سنه ۲۲۶

باندومه

شرف المبره

عوامك خواص اوزرنده کی حقوقی

سلسله کائناتک انتظام ظاهریمی کورلدیکی واکلاشیلدینی وجهله بر طاقم اسباب ظاهریه استناد ایله — مشکلیسند بر متفکرک ، خیالپرست بر شاعرک استدیکی

اوله مزیده — هر شیک شویله جه کندی کندی یه بر درجه ده یول طو توب کتدیکنی کوره رك بونی کیممز جریان عاده الله و کیممز مقتضای طبیعت دیه قبول ایتدی کمز حالده دوام انتظامک اسباب ظاهریه استناد و احتیاجنی هیج انکار ایده جك قدر بر غفلته بولنه میز .

ایشته بو سلسله کائنات جمله سندن اولان جمعیت بشریه نك محتاج اولدینی انتظامی تأمین ایدن اسباب دوشونیه جك اولورسه ایکی کله ایله خلاصه اوانه بیلیر : احتیاج ، معاونت

احتیاج دنیلدیکی زمان تا اعماق قلبدن قوبوب کلن بر تأثر انسانه بی اختیار :

انکه شیرانرا کند رویه مزاج

احتیاجست احتیاجت احتیاج

بیتمی تکرار ایتدیرر کویا عالمده احتیاجدن قورتمش نلر نه انسانلر واریمش کی کندیسنک ده شویله جه احتیاجمز بر حیات امرار ایتسی تمی دن بر درلو کندینی آله مز . فقط ، نه خیال باطل . نه نمی محال که : بر کره دوشونیرسه احتیاجمز ظن اولنان اغنیانک احتیاجلی بیلنان فقرادن ده ا محتاج اولدینی آ کلاشیلور . هانکی حکمدار وارکه حشمت عظمتندن یوزینه باقی استمدیکی ایاغی یالین قارنی آج کوییلره محتاج اولسون . هانکی سرمایه دار وارکه احتکار ایله استبداد مال ایله اسیر ایتدیکی بیکلرجه انسانک ، عمله نك برکونده طاغیلور برملری غائله سی دوشونجه سی کندیسی اویقوسز بر اقسون . بوکا مقابلده او بی چاره کویلینک او زوالی عمله نك ده او حکمداره او سرمایه داره بونی اگری اولسون . بر فقیر اقشامه تدارک ایده بیله جکی بش اون پاره لك آتمکی دوشوندیکی زمان بر زنکینک ده بر قاج بیك لیراق بر بونی دوشوندیکی بر حقیقت حالنده قبول ایدیلرسه هر ایکی دوشونجه نك احتیاجدن بشقه برشی اولمدینی ظاهر اولور .

بو بسيط دایلمز انانلرک بو ایکی قسمی آره سنده کی
حدود وظايفی تعیین ایتمکده در .

المان فلاسفه مشهوره سندن (شو پنهور) ک بو
بایدکی اثر مهمی اوقویانلر قادینلر حقنده کی اوامر
شرعیه نک عین حقیقت اولدیغنی بریکانه دینک تصدیق
ایتدیکنی کورونجه عجباً اورویانک اک مهم بر مرکز
تقلت علمی وحکیمی اولان (شوپنهور) ک دهاسنی
تزییفی ایدرلر؟؟؟؟ .

اوت ! قادینلریمزک بوکونی حالی شایان ترجم
وتأسفدر . فقط کندیلرینه حدود آلهی بی تجاوزه قدر
سماحتی طاورائق بزم صلاحیتمز داخلنده دکلدر .

قادینلر اهنده مثلاً اک یقینلرده کوردیکم (المنار) دن
تقلاً (صراط مستقیم) ده (جمیل زهاوی) افدینک
دها طوغریبی بیادیکمزه کوره عالم الامده ایلک دنعه
(تحریر المرأة) و (المرأة الجديدة) صاحبی مرحوم
قاسم امین بکک آجدینی سلسله تحاملک مبدائی فرانسه
انقلاب کیرنده آرامق لازمدر .

کرک فرانسزلرک وکرک فرانسز مقلدلرینک شو
حرکتلری شیاریقجه بر چوجقلقدر .

دیه بیلیم که : نوشیاریقانی ده ایلک دفعه اوروپالیرک
وخصوصیه فرانسزلرک یوزینه ووران ده (شوپنهور) در .
فقط نزا کتسزجه ایدیلن بر تحقیر قیلندن دکل .

هم بویه اولسیدی کیم دیکلرایدی !!!!! سوزلرینی
بتون دلائل حکمیه واجتماعیه ایله تأکید وتنویر ایلدی
مخالفلری کتدوسنه یالکمز (بر قادینلر طوغدیغنی
اونومتشدر) دیمکدن بشقه سوز بوله میورلر ایدی .
(تأکید وانتقاد ایله ترجمه ایتدیکم بو اثری بر وقت
مناسبده نشر ایتک املدهیم)

بو بحثی دها مساعد بر زمانه براقهرق مقصده
رجوع ایدلم .

اوت ! بک بیوک بر حقیقت اولق اوزره قادینک

سکه ایله هرشی اشترا اولنق ممکن اولدیغندن حضرت
امامک قولی راجحددر . دیگر نوعلردن اعطا اولنان
دیتلری سکهیه تبسیدیل ایچون بکک بک جوق زحمتلر
اختیار اولنق وار ایهده سکهده اصلاً بو یوقدر
کرچه اقوال انه بی ترجیح حقنه مالک دکل ایهده
بونی بر حقیقت اقتصادیه اولسندن طولانی حائر
اولدیغمز بیوک بر صلاحیتله سویله بیلیرز . سکه هر
احتیاجی دفع ایدر . فقط : انواع سائر بویه میدر ؟ .
مقادیر توقیف ایله بیلمینه جکی ونصده بویه بر
صراحت اولدیغنی ایچون بعض کفاراتده اطعام مساکین
جائر اولدیغنی حالده (دیت) ده اصلاً اطعام جائز اولموب
کندی اره لرنده سائر مواریثک تقسیم کی تقسیم اولنق
اوزره بیان اولنان انواعدن قنیلک اهلنه قائلک مطلقاً
(دیت) اعطاسی لازمدر .

بوراده کسب اهمیت ایتمش ؛ ویا خود اهمیت مخصوصه سی
زمانمزه ا کلاشیلیمش برمساله مهمه قارشوسنده بولنیورز .
اوده : قادین دینک ارککنیکنک نصف اولسیدر .
بز دیرز که بونده بک بیوک بر حکمت ؛ بر حکمت
اقتصادیه واردر


چونکه قادینلر خلقه بک نازک یارادیلیمش اولقله
اکتساب ثروت خصوصنده ارککلر قدر مقاومه مالک
دکلدرلر .

بونلر مزاحم حیاتی اقتحام ایچون دکل بعضاً سحر
آمیز ؛ بعضاً عشوه کار و بعضاً بک مزعج اولان وظائف
تسویه ایچون خلق اولمشلردر . مثلاً ایکنجی قسم
وظیفه لرندن اولق اوزره بر قادین کمال صبر وتحمل ایله
کیجه وکوندوز بک اوصاندریجی و بک مزعج اولان
چوجقلرک ا کلاشیلیمز ارزولرینه تسلیم نفس ایدوب
بترن بیلکینی فدا ایدر . فقط نه قدر تحملی اولورسه
اولسون بر ارککده بو حال اصلاً مشاهده ایدیلمز .

نعمت نظریله دکل حق بر جزه ملت نظریله باقق ایستمیان
مأمورینی بوراده سویلمکی زائد کورورم .

او زوالی اهای نك ویردیکی یاره لرله یاییلان مکتبلرده
تحصیل ایدنلر عجبیا کم ایچون ؟ ونه ایچون ؟ تحصیل
ایدرلر ! تأمین استقبال ایچونمی ؟ قدیفه قولتوقلرده
راحت راحت اوطوره رق بیکلرجه غروش معاش الحق
ایچونمی ؟ یوقسه اهای یه مخناچ اولدقلری شیرلی اوکرتمک
ایچونمی ؟ تأمین استقبال ایچون ایسه دیمک که اوباره لرک
اصل صاحبلی استقبالدن امین دکلر . یوق مأموریت
واسطه سیله بیکلرجه غروش معاش الحق ایچون ایسه
بقالم او ملت او یاره یی نصل قازانیور ؟ ونه حال ایله
کچینور ؟ دیمک که ملت ویردیکی یاره لرله یتشن آدملرک
یوزندن استفاده ایتمک استیور که اشته حق ملت بودر .
بو کون مملکتک هر طرفنده اهای درت کوزله
فیض مشروطیتدن خصه مند اولمنی بکلور فقط اکلامیه .
رق بکلور . مشروطیتده اساسک تشبث ملی اولدیغنی
اکلایان بیلن یوق . قانون ندر ؟ نه دیمکدر ؟ کسه نك
خبری یوق . حکومت اهای یی جهل ایله ، اهای حکومتی
ظلم ایله اتهم ایده رک ایکیسنک یکدیگره ایصنمه سی
قابل اولیه حق بر حالده باقارسک عادی بر مملکه نك
نتیجه سی عصیان کوریلیر ، یاخود عصیان اولور هر کس
قیامتک باشی اوله رق اهای نك جهلنی کوستر . ارباب
معارفک انلره لازم کلان جهتلری اوکرتمکه چالیشمدینی
کسه نك حاطرینه کلز . اشته عوامک خواص اوزرنده کی
اک بیوک حق بودر .

م . صفوت



تمیز یورکلی بر کوپلی

عثمانیلر وطنک سعادتی کوزلری اوکنده کوره جکلری
قوتلی بر دوتمایه وابسته اولدیغنی پک کوزل بیلدکلری

جمعیت بشریه نك تأمین انتظامنه سبب کوستریلان
احتیاج اولمه سیدی اساساً بشریتک جمعیت حالنده بولمنسه
حاجت قالمزدی . افراد بشر آره سنده بولزومی احساس
ایتدیرن ، افراد بشری کویله ، قصبه لره ، شهرلره
طوبایلان ، جمع ایدن هپ احتیاج ، هپ احتیاجدر .
فقط کیم کیمه محتاج ؟ ؟ ؟

ویرله جک جواب هر فرد بشر بر برینه زنکین
زو کورد بر برینه ، عوام خواص بر برینه محتاج اولقله
هر فردک دیکرلری اوزرنده بر حق اولق لازم کیلور که
اوده ارباب احتیاجه احتیاجی نسبتنده معاونتدر . اشته
جمعیت بشریه نك آهنگ انتظامی احتیاجله . معاونتک
یکدیگره مقابل ایکی قوتی آره سنده دوام ایده بیله جکندن
نه یالکیز احتیاج نده یالکیز معاونت مقصده کافی کله بیلیر .
شوایکی قوتک تأثیریه حصوله کلان موازنه انتظام
آهنکی بوزمق ایچون همه حال احتیاجک اشتداده معاونتک
ایسه بالعکس تناقص ایتمنه وابسته در . شو حالده
کوریلور که : احتیاج میزان انتظامک بر کفه سی ایکن
دیکر کفه سیله تقابل ایده مامکدن ناشی میزان انتظام
اولق شویله طورسون قویه حق بر قیامتک وبتون فجایعک
سبب اصلیدنی تشکیل ایدر .

انسانلر اسباب معیشت و معاشرتده بر چوق شینه
محتاجدرلر . فقط بو احتیاجاتک دفعنده درلو درلو
معاونته محتاج اولدقلری کبی باشلیجه عوامک خواص
النده محتاج اولدینی برشی وار که اوده حسن معاشرت
اسمایدر .

بو جهت بسیط بر دوشونجه ایله دوشونیلر سه
کویلرده قصبه لرده ارباب زراعت و تجارت چالیشیر ،
قزانیر بر طاقم ویرکیلر ویرر او ویرکیلردن کندی
استفاده لرینی البتده دوشونیلر . فقط او یاره لرلی الوده
او کوییلرک ایشنی کورمک ایچون قدیفه قولتوقلر
اوزرنده یان کلوب یاتهرق یینه او یاره لرلی ویرنلره ولی